

Cyngor Cymuned Llanllwchaearn

Canllawiau Grant o dan Adran 137 o Ddeddf Llywodraeth Leol 1972

CEFNDIR DEDDFWRIAETHOL

Yn unol ag Adran 137 o Deddf Llywodraeth Leol 1972¹ mae Cyngor Cymuned Llanllwchaearn yn neilltuo swm o arian bob blwyddyn sydd ar gael i sefydliadau lleol wneud cais amdano ar gyfer cynorthwyo prosiectau a fydd o fudd i drigolion Cymuned Llanllwchaearn.

Mae Adran 137 (1) o Ddeddf Llywodraeth Leol 1972 yn bŵer statudol. Mae'n rhoi'r pŵer i'r cyngor 'ysgwyddo gwariant at ddibenion nad ydynt wedi'u hawdurdodi fel arall.' Dim ond pan nad oes pŵer penodol arall ar gael y caiff ei ddefnyddio; mae'n 'bŵer pan fetho popeth arall', rhaid iddo fod o fudd i rai neu bob preswylydd, nid unigolion, ac ni ellir ei ddefnyddio'n ôl-weithredol.

Diwygiwyd Adran 137 yn Adran 36 o Ddeddf Llywodraeth Leol a Thai 1989. Mae'r gwelliant yn nodi bod yn rhaid cydbwysu gwariant a budd-daliadau.

Mae'r ddogfen hon yn nodi polisi a gweithdrefn Cyngor Cymuned Llanllwchaearn ar gyfer dyrannu grantiau a dyraniadau eraill o dan Adran 137 o'r Ddeddf uchod gyda'r nod o sicrhau bod ei holl weithgarwch dyrannu yn agored, yn dryloyw, yn deg ac yn cefnogi sefydliadau lleol priodol.

Mae dyraniadau'r Cyngor Cymuned yn agored i grwpiau gwirfoddol neu gymunedol sefydledig, yn ogystal â grwpiau newydd neu anffurfiol o blwyfi sydd neu sy'n bwriadu cael eu cyfansoddi'n ffurfiol erbyn dyddiad y cais.

PWY SY'N GYMWYS I WNEUD CAIS?

I fod yn gymwys i dderbyn grant o dan Adran 137, rhaid i sefydliad:

- gael eu sefydlu at ddibenion elusennol, buddiol, cymdeithasol, diwylliannol, hamdden neu ddyngarol;
- bod â chyfansoddiad, neu set o reolau, sy'n diffinio ei nodau, ei amcanion a'i weithdrefnau gweithredol;
- gallu darparu copi o'i gyfrifon blynyddol diweddaraf a gallu dangos bod y cyfrifon yn cael eu gwirio a'u llofnodi gan berson sy'n annibynnol ar y grŵp;

BETH GELLIR EI ARIANNU?

Dylai sefydliadau a grwpiau lleol sydd yn ymgeisio am grant gan y Cyngor Cymuned sicrhau bod y gweithgaredd neu'r prosiect a gyflwynir i sylw'r Cyngor yn cyflawni'r meini prawf canlynol, bod y gweithgaredd neu'r prosiect:

- yn cyfrannu at wneud y gymuned leol yn lle gwell i fyw, i weithio ynnddi neu i ymweld â hi;
- fudd i bobl sy'n byw yng nghymuned Llanllwchaearn;
- yn mwynhau cefnogaeth pobl leol a'i bod yn cymryd rhan yn y gwaith o'i gyflawni.

Dylid cyflwyno tystiolaeth o'r uchod gyda phob cais. Dim ond un cais y gall pob grŵp ei gyflwyno o fewn unrhyw flwyddyn ariannol.

¹ [Local Government Act 1972 \(legislation.gov.uk\)](http://legislation.gov.uk)

Cyngor Cymuned Llanllwchaearn

Nid yw'r canlynol yn gymwys i dderbyn grant:

- unigolion neu brosiectau busnes preifat;
- costau rhedeg unrhyw sefydliad (fel cyflogau, yswiriant a biliau cyfleustodau);
- prosiectau sy'n cynnwys teithio tramor;
- prosiectau sy'n briif gyfrifoldeb statudol cyrff cyhoeddus a llywodraethol eraill;
- prosiectau sy'n gwella neu'n elwa ar dir neu eiddo preifat;
- prosiectau sydd eisoes wedi'u cwblhau neu a fydd wedi'u cwblhau erbyn i'r grant gael ei dalu.

AMODAU CYMORTH

Gall y Cyngor Cymuned ddyfarnu unrhyw grant sy'n ddarostyngedig i'r cyfan neu rai o'r amodau canlynol. Bydd yr amodau gofynnol yn ddibynnol ar ddisgresiwn y Cyngor Cymuned ac fe fydd y Cyngor yn ystyried amgylchiadau penodol pob sefydliad unigol.

- Er mwyn deall eich prosiect neu weithgaredd yn llawn, efallai y bydd cynghorwyr cymuned am ymweld â'ch prosiect neu weithgaredd, cyn iddo ddechrau. Efallai y byddant hefyd yn dymuno cynnal ymweliad safle unwaith y bydd eich prosiect a ariennir yn mynd rhagddo.
- Dim ond at y diben a amlinellir yn y cais y dylid defnyddio'r cyllid ac os na chaiff yr arian ei wario ar yr eitemau y cytunwyd arnynt, rhaid ei ddychwelyd.
- Ni ellir ychwanegu cyllid y grant yn gyfan-gwbl neu'n rhannol at eich cronfeydd wrth-gefn.
- Gellir cynnig dyfarniad is os nad oes gan y Cyngor ddigon o arian yn y gyllideb i fodloni'r cais cyfan.
- Os yw costau eich prosiect yn fwy nag a ragwelwyd gennych yn eich cais, rhaid i chi dalu unrhyw ddiffyg.

SUT A PHRYD I WNEUD CAIS

Mae'r Cyngor Cymuned yn ystyried ceisiadau unwaith y flwyddyn. Gwneir hynny, fel arfer, yng nghyfarfod mis Ionawr y Cyngor.

Dylid anfon pob cais at Glerc y Cyngor Cymuned erbyn 31 Rhagfyr ar yr hwyraf Dim ond ffurflenni cais a dderbynnir erbyn y dyddiad hynny fydd yn cael eu hystyried yn y cyfarfod.

Ni fydd cyfanswm y dyfarniadau'n fwy na'r gyllideb flynyddol y cytunwyd arni ar gyfer grantiau cymunedol oni bai bod y Cyngor yn cytuno i wneud dyfarniad o dan amgylchiadau eithriadol.

Bydd pob grŵp yn cael ei drin yn gydradd ac fe rhoddir ystyried manwl i bob cais.

SUT I WNEUD CAIS

Dylid lawrlwytho ffurflen gais o'r wefan hon:

<https://llanllwchaearn.org/index.php/cy/dogfennau>